

Kayira Daanoo Karta Fayi Tumoo

[Page 1]

Al-ḥamdu li l-Lāhi Rabbil ‘ālamīna ‘alā

Allaahu tentoo mu ntolu kuḥ-na farla le ti

Wotee fele a siita al ḥa kee nuḥ kiliḥ ti

N damaalu teema n kana ḥina baakiliḥ-yaa

Seeju bankoo niḥ Sikcoor niḥ Koldaa

Usuuyi, Tambaa, ka taa Binjoona n damaḥ le mu

Dukaree n ka kee noo nuḥ kiliḥo ti fo n si baariḥ-yaa

Baa kiliḥ diḥolu wolu maḥ ḥanna jaḥ-jaḥ na

Kayiroo saama feḥ te a jee-feḥo al kana a janjaḥ

Aamiini alamaa n na bankoo so la kayiroo la

[Page 2]

Alkaali almaami moo bee ḥanta ḥoo je la le

N ka kaccaa nuḥ kambeḥo la n damaalu le mu ḥoo taa ti

Abdu Juufu a naa kafuḥoolu bee muumee

Ala yaa la ḥaatonkayaa dii le biriḥ tuma jaḥ

Famara Saaḥaḥ wo niḥ Muktaari Kebe Koldaa

Robeeri Saaḥaḥ ka taa Sii Meer, Sikcoor

Usmaana Tanoori Jeŋ anij Maam Baara Seku

Majeŋ Hari Jeŋ, Jiboo Ka, anij Majaa Joobu

Taraasiportooro Mbake Kamara Siksooru (Sikcoor)

Leemu Tuure ka taa anij Kunadi Saajo

[Page 3]

Dawru Siisee Al-haaji Amati niŋ Jaari

Musaa Dafee niŋ Musaa Kante Wuuri Jaata

Abdu Juufu ala moo taŋ seyi anij naani

Taŋ saba anij wooro dipiteelu minnu too tuta

I yaa dii la partiyo toomaalu minnu bee i nooma

Persidaŋ Juufu i la mooyaa yeraa siita

Persidaseelo niŋ depi taŋ seyoo muumee

Peresidaŋ Juufu buuñaa moolu niŋ wo le mu

Ala ye miŋ buuñandi niŋ i ko i be wo le feeyaa la

I niŋ bataa niŋ sunoo kaatuŋ ite i kututeeli

[Page 4]

Tumaani Danfaa fanaŋ ko a naa la partiyo le mu

Al-haaji Kawusu Daraame a ko i kana a feeyaa

Yaa daani yaa yaamari saayiŋ yaa dundi ila partiyo to

Wotee bi naa sii la Allaahu ye n kanandi i ma

Nte miŋ be siiriŋ n maa fo i maa suku-saaki

I be nte le noo la i be n dooyaa la feeroowo la

Jama'ahum kasal'u ya'las fa'akala'u

Kala'u sikaalu mamayta haalaka kalanu

Danfaa la parti kafoo miŋ bi naa saatee to

Alamaa a la kafu baalu bee jaŋ-jaŋ na fitinoo la

[Page 5]

Fitina niŋ sonkoo niŋ jaraboo wo niŋ dooyaa

Alamaa i la partiyo labarŋo bee ke la kumboo ti

Alkuraanoo futoo taŋ naani niŋ luulu

Alamaa a faliŋ-na a ye fitinoo la aniŋ feeyaa

Juma luŋo la subo niŋ tuloo miŋ i yaa domo i faata

Sibitoo tiloo boyita i yaa bukkee i fele i maluta

Ñiŋ jankadiŋ-nu Foodee Baa a yaa muta a jawo ti

M maŋ a loŋ n ka miŋ kaa la haasidiyaa mu jaraboo ti

Fo i maŋ a la foroyaa tiña bulu yaara faŋ ko kinoo

Kafoo siyaa-baa-ta wili taŋ naani dooyaata

[Page 6]

Ite maŋ nte feeyaa ila partiyo moolu le ye n-feeyaa

I maŋ na kumoo fo i ye miŋ yaa loŋ n-talaata a la

Ite faŋolu yaa loŋ komi nte le mu ila saboo ti

I niŋ ila taañoo kaŋ i koo i maŋ ke jee feŋ ti

Jeefeeri faŋ loŋ baloo musoo muna i ye i faŋ loŋ

Hudumoo le be i la ila kuntiyaa te kee noo la

Kee niŋ musoo ko ñiŋ ntolu le maa la depitee ti

Depitee musu ntaŋo hani laaraŋo a maŋ soto noo

Luntaŋolu naata al kana taa Kawusu Sunkari yaa

Luntaŋolu koo nte jaatiimaa mu Kawusu leti

[Page 7]

Nte Kawusu maŋ lafi diyaamoo la wo niŋ sonkoo

Luntaŋolu yaa loŋ miŋ keta nuŋ kooma

Al-haaji Kawusu wo niŋ solo koyilaa futata a ma

I ko n se maabee n se naa n dankuŋ ila kiliroo la

Dakaaru alfaalu niŋ kooreelu muumee bee

N kaa bee kaccandi n na ñiŋ beŋo la biriŋ tuma jaŋ

Wotee bi naa sii la too baalu niŋ nata baa

Faa wo tumoo siita daa kala baalu wo niŋ jusu boo

Desimotoroo i ko itolu bee ka wo le batu saayiŋ

Suboo kudee laata moo-moo yaa la niyo samba

[Page 8]

Niŋ i ka saŋo bayi jatoo ka i bayi i bee kelendi le

Saŋo bayi i ye tambaa la jata dimbaa silaŋo warata

Jambadonnaalu resiltaalu bee maŋ naa

Suwoo se i la suu-bori kee noo i maŋ a loŋ i be miŋ danna

Dukaree n ka ke nuŋ sabarilaa ti n kana kanfaa

Minaŋ kaŋoo borta wulu kee wooro maa muta noo

Abdu Juufu biriŋ a siita a la siiraŋo kaŋ

Senekaali banku moo kendoolu seewoo ta

Abdu yaa baaha te laabir loolu ti nakul keni

Bulu mer bulu sono bulu tiiti yala tacu na la

[Page 9]

Al-haaji Kawusu Daraame kaaye nga ñaanal nu

Ndaha Yala mey nu ki rew miü ñep tawfeeki

Yeni mboki Senegaal Yala nu Yala teeru ki jamu

Defal nu sutura aki naatange ki nuunu ñepu

Al-haaji Kawusu Daraame naa duwaata ntolu ye

Fo Ala se nna bankoo, a saa sabatindi kayiroo la

Sii jaŋo niŋ jaata-kereyaa baa wo niŋ harjee

Amiin ala maa n-na bankoo so la kayiroo la

Duniyaa te feŋ ti kibiri baa maŋ nafaa soto jaŋ

Baadiŋo dammaa n kanaa kanfaa nuŋ ñoo kamma

[Page 10]

Duniyaa miŋ-jibidaa to mindaŋo teŋ i kana kanfaa

Jibidaa to mindaŋo niŋ ye i miŋ i ye i la kafuñoo fuu

Jabaa jaaru laalu foñoo warata kuluŋo kotota

Silaŋo be keeriŋ Ala maa ntee la kayiroo la

Arafan i be siiriŋ jiboo to mbe be jaaroo fee

Baa kono silaŋo warata diinoŋ baa be jiyoo duuma

N seŋ sabari baake n-kana kanfaa ñoo kamma

Jawuyaa mu kuu miŋ ti moo-moo niŋ ila harijee le mu

I ñaa loo ila sotoo kaŋ i kana i kafuñoo buloo juubee

Hadumoo si naa i maa aniŋ kanfaa ite kutu tee la

[Page 11]

Baadiŋ jawoolu ye ıla moo kendoolu jawuyaa le

Niŋ i faata luŋ miŋ na i ko tuuraa baalu ye i laa le

Lonnaa baluuriŋo i muka a kanu noo fo niŋ a faata

Kumboo kalantaŋo a naa tuuraa baa fele a faata

I se taa karaŋo la karambaliyaa mu nimisoo ti

Tambindi-moo la karambaliyaa wo le yaa balafaa

M bee ye m-bula laa n-Maarii Baa ye fo a se i so

Diŋ kee betoo la aniŋ diŋ sunkutoo betemaa

Miŋ niŋ ite kumata i ye i se i dankuŋ i se malu noo ıla

Kaatuŋ n-na jamaanoo silaŋo warata nte maŋ haañi

[Page 12]

Dindiŋ te malu a faamaa la soko a baamaa

Dindiŋ kuluuriŋo sotoo maŋ dii fo mantaa-beŋo

M-baalu niŋ n-faalu, wolu maŋ ñanna kori la n-na

Niŋ i ye miŋ foloo ıla yaamaro to, n-kana a soo-soo

I kana a fo baabaa saŋarita n-niŋ a te sii noo la

M-baamaa la kuuñaa siyaata, nte a siportee la

Wuluulaa foloo ke baata miŋ ke a diŋo kunna

Baa ye i konoo ta i saa muta a be tula tiŋ to

I faamaa se ñaani iniŋ i baamaa baluu dulaa

A be i kuluu la aniŋ balafaa munna i faŋ loŋ